

魏

書

二八

列傳卷第五十六

魏書六十八

甄琛

高聰

甄琛字思伯中山毋極人漢太保甄邯後也父
凝州主簿琛少敏悟閨門之內兄弟戲狎不以
禮法自居頗學經史稱有刀筆而形貌短陋眇
風儀舉秀才入都積歲頗以赤髮棄日至乃通
夜不止手下蒼頭常令秉燭或時睡頓大加其
杖如此非一奴後不勝楚痛乃白琛曰郎君辭
父母仕宦京師若爲讀書執燭奴不敢辭罪乃

以園墓日夜不息豈是向京之意而賜加杖罰
不亦非理琛惕然慙感遂從許叡李彪假書研
習聞見益優太和初拜中書博士遷諫議大夫
時有所陳亦爲高祖知賞轉通直散騎侍郎出
爲本州征北府長史後爲本州陽平王頤衛軍
府長史世宗踐祚以琛爲中散大夫兼御史中
尉轉通直散騎常侍仍兼中尉琛表曰王者道
同天壤施齊造化濟時拯物爲民父母故年穀
不登爲民祈祀乾坤所惠天子順之山川祕利

天子通之苟益生民損躬無吝如或所聚唯爲
賑恤是以月令稱山林藪澤有能取蔬食禽獸
者皆野虞教導之其迭相侵奪者罪之無赦此
明導民而弗禁通有無以相濟也周禮雖有川
澤之禁正所以防其殘盡必令取之有時斯所
謂鄣護雖在公更所以爲民守之耳且一家之
長惠及子孫一運之君澤周天下皆所以厚其
所養以爲國家之富未有尊居父母而醯醢是
吝富有万品而一物是規今者天爲黔首生鹽

國與黔首鄣護假獲其利是猶富專口斷不及四體也且天下夫婦歲貢粟帛四海之有備奉一人軍國之資取給百姓天子亦何患乎貧而苟禁一池也古之王者世有其民或水火以濟其用或巢宇以誨其居或教農以去其飢或訓衣以除其弊故周詩稱教之誨之飲之食之皆所以撫覆導養爲之求利者也臣性昧知理識無遠尚每觀上古愛民之迹時讀中華驟稅之書未嘗不歎彼遠大惜此近狹今僞弊相承仍

崇關嶽之稅大魏恢博唯受穀帛之輸是使遠
方聞者罔不歌德昔亶父以棄寶得民碩鼠以
受財失衆君王之義宜其高矣魏之簡稅惠實
遠矣語稱出內之吝有司之福施惠之難人君
之禍夫以府藏之物猶以不施而爲災況府外
之利而可吝之於黔首且善藏者藏於民不善
藏者藏於府藏於民者民欣而君富藏於府者
國怨而民貧國怨則示化有虧民貧則君無所
取願弛茲鹽禁使沛然遠及依周禮置川衡之

法使之監導而已詔曰民利在斯深如所陳付
八座議可否以聞司徒錄尚書彭城王勰兼尚
書邢轡等奏琛之所列富畢有言首尾大備或
無可貶但恐坐談則理高行之則事闕是用遲
回未謂爲可竊惟古之善爲治者莫不昭其勝
途悟其遠理及於救世升降稱時欲令豐無過
溢儉不致歉役養消息備在厥中節約取足成
其性命如不爾者焉用君爲若任其生產隨其
啄食便是芻狗万物不相自矣自大道既往恩

惠生焉下奉上施卑高理睦然恩惠既交思拯
之術廣恒恐財不賙國澤不厚民故多方以達
其情立法以行其志至乃取貨山川輕在民之
貢立稅關市裡十二之儲收此與彼非利己也
回彼就此非爲身也所謂集天地之產惠天地
之民籍造物之富賑造物之貧徵商賈給戎戰
賦四民贍軍國取乎用乎各有義已禁此淵池
不專大官之御斂此匹帛豈爲後宮之資旣潤
不在己彼我理一猶積而散之將焉所吝且稅

之本意事有可求固以希濟生民非爲富賄藏
貨莫不爾者昔之君子何爲然哉是以後來經圖
未之或改故先朝商校小大以情降鑒之流疑

興復鹽禁然自行以來典司多怠出之閒事
不如法遂令細民怨嗟商販輕議此乃用之者
無方非興之者有謬至使朝廷明識聽瑩其間
今而罷之懼失前旨一行政法若易某參論
理要宜依前式詔曰司鹽之稅乃自古通典然
興制利民亦代或不同苟可以富珉益化唯理

所在甄琛之表實所謂助政毗治者也可從其
前計使公私並宜川利無擁尚書嚴爲禁豪彊
之制也詔琛參入座議事尋正中尉常侍如故
遷侍中領中尉琛俛眉畏避不能繩糾貴遊凡
所劾治率多下吏於時趙脩盛寵琛傾身事之
琛父凝爲中散大夫弟僧林爲本州別駕皆託
脩申達至脩姦詐事露明當收考今日乃舉其
罪及監汝脩鞭猶相隱惻然告人曰趙脩小人
譬如土牛殊耐鞭杖有識以此非之脩死之明

日琛與黃門郎李憑以朋黨被召詣尚書兼尚
書元英邢纏窮其阿附之狀琛曾拜官諸賓悉
集纏乃晚至琛謂纏曰卿何處放蛆來今晚始
顧雖以戲言纏變色銜忿及此大相推窮司徒
公錄尚書北海王詳等奏曰臣聞黨人爲患自
古所疾政之所忌雖寵必誅皆所以存天下之
至公保靈基於永業者也伏惟陛下纂聖前暉
淵鑒幽慝恩斷近習憲軌唯新大政蔚以增光
鴻猷於焉永泰謹案侍中領御史中尉甄琛身

居直法紀擿是司風邪響贖猶宜劾糾况趙脩奢暴聲著內外侵公害私朝野切齒而琛嘗不陳奏方更往來綢繆結納以爲朋黨中外影響致其談譽令布衣之父超登正四之官七品之弟越陟三階之祿虧先皇之選典塵聖明之官人又與武衛將軍黃門郎李憑相爲表裏憑兄叨封知而不言及脩豐彰方加彈奏生則附其形勢死則就地排之竊天之功以爲已力仰欺朝廷俯罔百司其爲鄙詐於茲甚矣不實不忠

卷五十一
寔含貶黜謹依律科徒請以職除其父中散實
爲叨越雖皇族帝孫未有此例既得不以倫請
下收奪李憑朋附趙脩是親是仗交遊之道不
依恒度或晨昏從就或吉凶往來至乃身拜其
親妻見其子每有家事必先請託繙點皇風塵
鄙正化此而不糾將何以肅整阿諛獎厲忠槩
請免所居官以肅風軌奏可琛遂免歸本郡左
右相連死黜者三十餘人始琛以父母年老常
求解官扶侍故高祖授以本州長史及貴達不

復請歸至是乃還供養數年遭母憂母鉅鹿曹氏有孝性夫氏去家路踰百里每得魚肉菜果珍美口實者必令僮僕走奉其母乃後食焉琛母服未闋復喪父琛於塋兆之內手種松栢隆冬之月負掘水土鄉老哀之咸助加力十餘年中墳成木茂與弟僧林誓以同居沒齒專事產業躬親農圃時以鷹犬馳逐自娛朝廷有大事猶上表陳情久之復除散騎常侍領給事黃門侍郎定州大中正大見親寵委以門下庶事出

參尚書入廁帷幄琛高祖時兼主客郎迎送蕭
頤使彭城劉纘琛欽其器貌常歎詠之纘子晰
爲朐山戍主晰死家屬入洛有女年未二十琛
已六十餘矣乃納晰女爲妻婚日詔給厨費琛
深所好悅世宗時調戲之盧昶敗於朐山詔琛
馳驛檢按遷河南尹加平南將軍黃門中正如
故琛表曰詩稱京邑翼翼四方是則者京邑是
四方之本安危所在不可不清是以國家居代
患多盜竊世祖太武皇帝親自發憤廣置青

里宰皆以下代令長及五等散男有經略者乃
得爲之又多置吏士爲其羽翼崇而重之始得
禁止今遷都已來天下轉廣四遠赴會事過代
都五方雜沓難可備簡寇盜公行劫害不絕此
由諸坊混雜釐比不精主司闇弱不堪檢察故
也凡使人攻堅木者必爲之擇良器今河南郡
是陛下天山之堅木盤根錯節亂植其中六部
里尉即攻堅之利器非貞剛精銳無以治之今
擇尹旣非南金里尉鉉刀而割欲望清肅都邑

不可得也里正乃流外四品職輕任碎多是下
才人懷苟且不能督察故使盜得容姦百賦失
理邊外小縣所領不過百戶而令長皆以將軍
居之京邑諸坊大者或千戶五百戶其中皆呈
公卿尹貴勢姻戚豪猾僕隸蔭養姦徒高門邃
宇不可干問又有州郡俠客營結貴遊附黨連
羣陰爲市劫比之邊縣難易不同今難彼易此
實爲未恤王者立法隨時從宜改弦易調明主
所急先朝立品不必即定施而觀之不便則改